

# Канон преподобному Антонию Римлянину

Память празднуем 3 (16) августа

## Тропарь, глас 4-й

Вѣтхий Рим, отѣчество твоѣ, оставив, на камень, яко на легкий корабль, возшел еси и на нем паче естества, аки безплотен, по водам шествовал еси, промышленіем Божественнаго разума направляемъ, Великаго Новаграда достигл еси и, обитель в нем сотворив, тело твоѣ в ней предложил еси, яко дар освящен. Тем молим тя, отче Антоніе: моли Христа Бога, да спасет души наша.

## Канон, глас 2-й

### Песнь 1

*Ирмос:* Грядите, людие, поим песнь Христу Богу, раздельшему море и наставльшему люди, яже изведе из рабы египетския, яко прославися.

*Припев:* Преподобне отче наш Антоніе, моли Бога о нас.

Агнче незлобивый, отверзи ми устне недостойнии, язык мой уясни, и сердце мое просвети, и ум мой озари светом Твоего Богоразумия, да возмогу воспевати память преподобнаго Антонія, егоже на земли удивил еси.

Преподобне отче наш Антоніе, моли Бога о нас.

Многим милосердием и щедротами, Содетелю твари и веков Творче, молебное пение приими, и прощение наших согрешений даруй Твоего угодника преподобнаго Антонія молением, и тишину сердцу моему.

*Слава:* Светлое и богоугодное житие твоѣ, яко свет, воистинну на земли показася, Божественную бо видети светлость, Антоніе, сподобился еси. Темже и, видимая вся оставив, Непостижимаго зрети сподобился еси.

*И ныне:* Моих прегрешений, Владычице, пленицу расторгни, Твоего Сына и Господа молящи, и томящий мя грех, Приснодево, низложи, яко да воспеваю Тя всегда, Всенепорочная, Тобою спасаемъ.

### Песнь 3

*Ирмос:* На камени мя веры утвердив, расширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен, паче Тебе, Господи.

Преподобне отче наш Антоніе, моли Бога о нас.

Жезлом добродетелей страстное море пресек и гордаго врага, якоже другаго фараона, молитвою твоею погрузив, избранное твоѣ стадо новаго Израиля неврдно соблюди, Антоніе преподобне.

Преподобне отче наш Антоніе, моли Бога о нас.

Возлюбил еси, блаженне, всеночное бдение, и молитву непрестанну, и любовь нелицемерну, сими очищая ум твой, душу же просвещая, тело твоѣ смирял еси и ко дневным трудом благопокорно устроил еси.

Слава: Храм тя, вси вѣрнии, Духа Пресвятаго вѣмы, храм боголепен Божии Матери воздвигл еси, и ограду велию устроил еси, и монахов множества совокупил еси, в немже ныне всяк недуг молитвами твоими отгоняется.

И ныне: Во иных женах матери, дондеже дева, не познася, ни матери по Рождестве девствовати сподобися, на Тебе же, Девомати, обою устроишася. Тем веселием духа воспеваю: несть непорочны, паче Тебе, Владычице.

Господи, помилуй (трижды).

#### Седален, глас 8-й

Ангельски на земли пожив, Богомудре Антоние, ликом постническим счислился еси: Крест бо на рамена твою взем, последовал еси Владыце Христу, и страсти душепленные воздержанием, преподобне, увядил еси, и был еси духовно приятелище и сосуд чист Господеви. Темже вопием ти: моли Христа Бога грехов оставление даровати празднующим любовию пречестную и святую память твою.

Слава, и ныне: Яко Всенепорочная Невеста Творцу яко Неискусобрачная Мати Избавителя, приятелище яко сущи Утешителя, Препетая, беззаконию мя суща скверное обителище и бесом игралище в разуме бывша, потщися от тех злодейства мя избавити и светлое жилище добродетелей соверши, Светоносная Нетленная, отжени облак страстей и вышняго причастия сподоби и света не вечерняго молитвами Твоими.

#### Песнь 4

Ирмос: Пришел еси от Девы не ходатай, ни Ангел, но Сам, Господи, воплощся, и спасл еси всего мя, человека. Тем зову Ти: слава силе Твоей, Господи.

Преподобне отче наш Антоние, моли Бога о нас.

Умертвив себе миру, жизнь равноангельну на земли пожил еси, преславне, и, яко дар освящен, Владыце, Антоние, твою душу чисту представил еси, и Божественнаго Царствия достойно, отче, получил еси.

Преподобне отче наш Антоние, моли Бога о нас.

Ветрилом, отче, воздержания окривляемь, страстных тмы отбежав и к безстрастия путем наставляемь, к Свету не вечернему востекл еси и, от Сего озарився, нетления богатство наследовал еси, Антоние преподобне.

Слава: Великий Новград ныне веселием, отче, красуется, имея мощи твою в себе, преподобне Антоние, ученицы же твои, твоему житию ревнующе, о твоей памяти радуящиеся, Господеви поют: слава силе Твоей, Господи.

И ныне: Истинную Тя сень свидетельствовала многоразличными образы, яже показующе воплощенного из Тебе Единого от Троицы, Пречистая, неизменно, Богомати Чистая, и мир обновляша.

#### Песнь 5

Ирмос: Света Подателю и веков Творче, Господи, во свете Твоих повелений настави нас: разве бо Тебе, иного Бога не знаем.

Преподобне отче наш Антоние, моли Бога о нас.

Возшед на высоту добродетелей, долу влекущая страсти оплевал еси, сладость показуя спасения, отче преподобне Антоние, стаду твоему проси грехов прощения.

Преподобне отче наш Антоние, моли Бога о нас.

Мѣсто прошѣнія, ѡтче, со тщаніем исполняя, храм боголепен Бѡжия Матере воздвигл еси, в немже ныне праздничною радостію монахов множества веселится, память твою прославляюще.

Слава: Не забуди стада твоего, еже, мудре, собрал еси и в жизни сей упасл еси благочестно, и ныне потщися, ѡтче наш Антоніе, да привлечеши во ограду Небесную.

И ныне: Управи ум мой, Владычице, труждающийся в пучине скорбей и потопляемый нашествіем тлетворных страстей. Спаси к Тебе прибегающего, иныя бо помощи, Чистая, разве Тебе, не знаем.

## Песнь 6

*Ирмос:* В бездне греховней валяясь, неизследную милосердія Твоего призываю бездну: от тли, Бже, мя возведи.

Преподобне ѡтче наш Антоніе, моли Бога о нас.

От земных к Небесным обителем преславно возшел еси, Богомудре Антоніе, и тамо зрети неизреченных сподобился еси, ихже око не виде, и ухо не слыша, и на сердце человека не взыде, яже уготова Бог любящим Его.

Преподобне ѡтче наш Антоніе, моли Бога о нас.

Дремания очима твоима отнюд не дал еси, к Богу все твоё желание впери и Тому невозвратно от души последовав, ночь жития непреткновенно преминул еси, видении Божественными окормляемь, блаженне Антоніе, в Божественную жизнь вселился еси.

Слава: Великаго святителя Никиты, блаженне Антоніе, благословения сподобився духовнаго наказанія поучение от него восприял еси, бурю бо греха не погрузился еси, и в тихо пристанище достигл еси Небеснаго Царствія, и тамо ныне наслаждаешься Божественнаго видения.

И ныне: Обетшавшия ны горьким древа прежде вкушением и падшиися поползением, Пречистая, обновила еси, Зиждителя рождши, Слово Ипостасное, Дево Мати Владычице.

Господи, помилуй (трижды). Слава, и ныне:

## Кондак, глас 8-й

Римское воспитаніе, Великому же Новуграду благодатное процветаніе, многими бо труды и подвиги в нем Богу угодил еси. Сего ради чудес дарований от Него сподобился еси, и тело твоё многими леты соблюде нетленно. Мы же, сие лобызающе, радостно от души вопием ти: радуйся, ѡтче Антоніе.

## Икос

Како возмогу исчесті премногая твоя чудеса? Или како изрещи жестокое твоё житіе? Не имам бо сердца чиста, яко сие срамными деяньми оскверних и душу мою лукавыми помыслы осмрадох. Но обаче дерзаю воспевати, аще ты ми подаси слово; недостойному твоему рабу, ты бо земный Ангел и Небесный человек во плоти обрелся еси, преподобне. На земли бо о тленных небрегл еси и Христу от души последовал еси болезнями, и труды, и зельным воздержаніем, и злостраданіем, и на земли леганіем. Постом, и бдением, и молитвами образ был еси твоим учеником и сего ради сосуд чист и обитель Духа Пресвятаго явился еси. Тем тя чтим, радуйся, ѡтче Антоніе.

## Песнь 7

*Ирмос:* Образу златому, на поле Деире служиму, трие Твоя отроцы небрегша безбожнаго веления, посреде же огня ввержени, орошаеми, пояху: благословен еси, Боже отец наших.

Преподобне отче наш Антоние, моли Бога о нас.

От града и отечества твоего пресельник был еси, к Богу рuce простирая, спасение обрет; водам же послужившим тебе Божиим мановением, Великаго Новаграда достигл еси, идеже быше угодно Владыце. Емуже ныне радостно поеши: благословен Бог отец наших.

Преподобне отче наш Антоние, моли Бога о нас.

Великаго Новаграда архиерея, и христолюбивых людей, и монахов множества радости исполнил еси и духовнаго веселия твоим дивным и чрезуестественным прохождением: на камени бо, яко на корабли, пришел еси, Спутника, отче, Христа обрет. К немуже ныне радостно зовещи: благословен Бог отец наших.

Слава: Ликують собрания монашествующих и веселится народов множества Великаго Новаграда в честном преставлении Антония всеблаженнаго, молебный совершающе праздник, радостно от души вопиют: благословен Бог отец наших.

И ныне: Пещь прообразоваше Твое рождество, Всенепорочная: отроки бо не опали, якоже ложесна Твоя, огонь непостоянный. Темже молим Тя: огня вечнаго избави рабы Твоя.

## Песнь 8

*Ирмос:* В пещь огненную ко отроком еврейским снишедшаго и пламень в росу преложшаго Бога, пойте, дела, яко Господа, и превозносите во вся веки.

Преподобне отче наш Антоние, моли Бога о нас.

Авраамский стяжав нрав, премудре, от страны Римския пресельник был еси Великаго Новаграда и тамо Бога узрел еси, обещающа тебе воздаяние богато. Тем, веселяся, усердно Христу вопиеш: благословите, вся дела, Господа и превозносите Его во веки.

Преподобне отче наш Антоние, моли Бога о нас.

На земли пожив, яко Ангел, с плотию, яко безплотен, безплотныя враги под ноги покорил еси, чистоту стяжал еси постом, и бдением, и молитвами. Темже со Ангелы на Небесех светло ликуя, Христу вопиеш: благословите, вся дела, Господа и превозносите Его во веки.

Слава: Рим отечество твое проповедует, преподобне, Великий же Новград хвалится тобою, прием от Господа сокровище некрадомое: помощника бо великаго, блаженне Антоние, ты восприем, с лики монашескими ныне веселится. Темже, память твою празднующе, радостно вопиём: благословите, вся дела, Господа и превозносите Его во веки.

И ныне: Великому таинству Рождества Твоего кто не удивится, Богородице? Или кий язык земным или ум безплотных изрещи возможет? Паче бо естества и смысла, Богородице, Зиждителя родила еси.

## Песнь 9

**Ирмос:** От Бóга Бóга Сло́ва, неизрече́нною му́дростию прише́дшаго обнов́ити Ада́ма, я́дию в тле́ние па́дшаго ло́те, от Святы́я Девы неизрече́нно воплотившагося нас ра́ди, ве́рнии, единому́дренно пе́сньми велича́ем.

Преподо́бне о́тче наш Анто́ние, моли́ Бóга о нас.

Всегда́ к ра́це моще́й твои́х присту́пающе, любе́зно целу́ем и от души́ вопие́м: о́тче преподо́бне Анто́ние, моли́ся приле́жно Христу́ Бо́гу за град и лю́ди, скорбь на́шу на ра́дость премен́ити и грехо́в прощ́ение испроси́ти, да ты непреста́нно велича́ем.

Преподо́бне о́тче наш Анто́ние, моли́ Бóга о нас.

Вели́кому Анто́нию тезоимени́т был еси́, блаже́нне Анто́ние, и тогó жити́ю подража́л еси́, равноа́нгельно во оби́тели Пресвяты́я Богоро́дицы пожи́л еси́, те́мже и ра́вну по́честь от Бóга сподо́бился еси́ при́яти, с ни́мже ны́не на Небесе́х весели́шися. И нас помина́й, пра́зднуюющих па́мять твою́, да ты непреста́нно велича́ем.

**Слава:** Ны́не на тебе́ чу́до ве́лие ви́дится и у́жаса испо́лнено: ка́ко погребéно вои́стинну мно́го лет соблюде́ся невредíмо, преподо́бне Анто́ние, твоё многотру́дное те́ло, во грóбе лежа́щее Бо́жим манове́нием? Якоже Сам весть, сла́влящия Его́ прославля́ет.

И ны́не: Исцели́ла еси́ сокруше́ние, Всенепоро́чная, и ве́тхое страда́ние земны́х, Бóга ро́ждши, Царя́ Христа́, понéсшаго плóтию недуги на́ша. Те́мже Тя, вси ро́ди, Де́во Влады́чице, уболажа́юще, Богоневéсто, велича́ем.